



Publicaziuns officialas dils 16-03-2018

Damonda da baghegiar

Nr. 18/2018

Datum da publicaziun: 16-03-2018

Patrun: Deplazes David, 7173 Surrein

Representant: Robert Bundi SA, 7173 Surrein

Liug e parcella: Reits; 1456

Object: midar silo carrabel en in nuegl, ina garascha, in pursepen ed in clavau

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 16-03-2018

Cumissiun da baghegiar

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 16-03-2018

Departament stradal

Lenna da brisch 2018

La vischnaunca da Sumvitg offerescha a vischinas e vischins la cumpra da lenna da brisch sco suonda:

Pégn

Igniu 55.00 frs/m³

Ogna

80.00 frs/ster

Il quantum d'ogna ei limitaus.

Il prezis secapeschan excl. taglia sin plivaleta. Cundiziuns da pagament ein 30 dis net.

Bugen offerin era lenna resgiada, fendida e transports tochen a casa.

Interessents san annunziar lur empustaziuns a scret agl Uffeci forestal Sumvitg, Via Quadras Su 10, 7175 Sumvitg, ni e-mail: uffeci.forestal@sumvitg.ch, ni per telefon (081 920 25 06). Las empustaziuns ston succeder entochen sil pli tard venderdis, ils **6 d'avrel 2018**.

Bien engraziament per Vossa empustaziun!

*Il selvicultur da revier
Flurin Cathomas*

Societad da tir Vial Sumvitg

Invitaziun alla radunonza generala che ha liug venderdis, ils 16 da mars ell'ustria «Cruna», Sumvitg, allas 20.00. Cordialmein envida *la suprastonza e cumissiun da tir*

Via dalla Crusch a Clavadi

Dumengia, ils 18 da mars 2018, allas 17.00. Da cuminonza semettein nus sin via e meditein ils maletgs dalla via dalla crusch viers Clavadi. Nus serimnein tier l'emprema staziun sur Sumvitg. Da mal'aura ha la via dalla Crusch liug en baselgia a Sumvitg. Cordial invit *Sur Benny e las gruppas da liturgia*

Casa s. Martin Trun

La Casa s. Martin a Trun envida parents ed enconuschents da nossas cussadentas e nos cussadents sco era vischinas e vischins da lunsch e da maneivel all'usitada stiva da caffè. Ina vasta elecziun da bunas pettas ed autras bunas caussas ei garantida. **Quei dumengia, ils 18 da mars 2018**, naven dallas 14.00–17.00. Vossa viseta fagess plascher a cussadentas, cussadents e persunal. Cordialmein envida meinacasa e persunal